

## Uči, misli, djeluj! za djecu

Javni poziv 19.02.0-N2.1-9

### **O obuci Uči, misli i djeluj! za djecu - UMiD Kids**

Institut za razvoj mladih KULT provodi obuku *Uči, misli i djeluj! za omladinske lidere i liderice* duže od 15 godina. Poučeni iskustvom u radu s mladima, te dugogodišnjim radom sa djecom kroz program *Škole prijateljstva* uvidjeli smo da je danas djeci iznimno važno da što ranije steknu iskustva i znanja o liderskim vještinama kako bi na školske i društvene zadatke lakše odgovarali. Upravo jer se liderstvo i osjećaj za zajednicu razvija u našem najranijem dobu, Institut pokreće obuku ***Uči, misli i djeluj! za djecu (UMiD Kids)***.

**UMiD Kids** je edukativno-interaktivni program za djecu koji se sastoji od 12 modula koji obrađuju teme važne za intelektualni, emocionalni i sociološki razvoj djeteta. Program i teme **UMiD Kids** olakšati će Vašem djetetu da odgovori današnjem izazovima društva, razvije svoje vještine, podrži svoje vršnjake, unaprijedi emocionalni inteligenciju, te učvrsti samopouzdanje. Pored korisnih vještina i znanja, Vaše dijete će imati priliku obogatiti život s 30 novih prijatelja i prijateljica iz čitavog Kantona Sarajevo, te iskusiti drugačiji način učenja koji će im sigurno znatno obogatiti rast i razvoj.

### **Ko se može prijaviti na UMiD Kids?**

- djeca od 8- 10 godina
- djeca sa područja Kantona Sarajevo
- djeca koja se raduju druženju i novim znanjima
- djeca koja imaju podršku roditelja/staratelja da sudjeluju u ovakvim programima
- djeca koja mogu izdvojiti čitav vikend (subota i nedjelja) u narednih 6 mjeseci (februar – juli 2020. g)

### **Metodologija ili kako ćemo raditi sa Vašom djecom?**

Cilj ovog programa jeste da djeca postanu sigurnija, imaju veće samopouzdanje, bolju povezanost s roditeljima, školom, prijateljima i prijateljicama, te da postignu širu i jasniju sliku o sebi, drugima i svijetu u kojem žive, da razviju osjećaj za sebe i druge.

Svaka sesija će se raditi kroz interaktivne metode neformalnog obrazovanja koristeći igru kao alat za rad sa djecom. Upravo kroz ovaj pristup svako dijete imat će priliku pokazati svoja znanja i vještine, te razvijati svoje potencijale pojedinačno i grupno. Dio vježbi će se raditi kroz rad u manjim i većim grupama, a dio će biti i individualno primijenjen u radu sa djecom. Roditelji/staratelji će biti upoznati sa metodama po potrebi.

Nakon što se djeca upoznaju s osnovnim pravima djece, lakše će usvojiti i osnovna pravila lijepog ponašanja, razvit će kognitivne, afektivne i psihomotorne vještine, naučiti osnovne vještine komunikacije, izgraditi vlastito poštovanje i poštovanje drugog, izgraditi neke vještine kontrole emocija, kao što je ljutnja, te naučiti važnost svoje uloge u timskom radu. Uz sve te alate, djeca će učvrstiti svoju ulogu u porodici, u školi i sa svojim vršnjacima i vršnjakinjama.

### **Raspored tema i modula UMiD Kids**

*UMiD Kids* počinje 28. februara i završava 26. jula 2020. godine.

12 jednodnevnih modula UMiD Kids obuke je podijeljeno u 6 radnih vikenda. Svaki vikend ćemo raditi na dvije teme i uživati u jednodnevnom izletu u muzejima, kulturnim, sportskim i drugim sadržajima za djecu. Planirani raspored:

Datum održavanja	Tema
22. februar	Dječija prava. Šta su dječija prava? Kako ih zaštititi?
23. februar	Dječiji bonton. Kako ga koristiti? <i>Izlet</i>
28. mart	Učenje i pamćenje.
29. mart	Šta je komunikacija? Zašto je važna? <i>Izlet</i>
25. april	Ljubav. Kakav je to osjećaj? Kakve ljubavi postoje?

26. april	Poštovanje. Poštujem sebe, ali i druge. <i>Izlet</i>
9. maj	Disciplina. Šta je to?
10. maj	Nagrade i kazne. Čemu one služe? <i>Izlet</i>
27. juni	Izbori i njihove posljedice.
28. juni	Problem. Kako ga riješiti? <i>Izlet</i>
25. juli	Šta me ljuti? Kako se odljutiti?
26. juli	Šta je timski rad? Koja je moja uloga? <i>Izlet</i>

NAPOMENA: Institut zadržava pravo izmjene termina uz pravovremeno informiranje polaznika/ca obuke i njihovih roditelja/staratelja.

### **Gdje se održava UMiD Kids?**

Naša druženja odvijat će se u [Obrazovno-raznodnom centru za mlade Spjalica](#) u Ilidži. Tokom obuke ćemo posjetiti i nekoliko zanimljivih institucija/objekata u Sarajevu, kroz čiju posjetu će djeca imati priliku da bolje razumiju teme obuke.

### **Obaveze roditelja/staratelja**

Tokom trajanja obuke tim Instituta će aktivno surađivati sa roditeljima/starateljima polaznika/ca obuke. Nekoliko roditeljskih sastanka će biti organizirano kako bi i Vi detaljnije znali šta to očekuje vaše dijete kroz ovu obuku, te će tim Instituta biti na raspolaganju za sva Vaša pitanja i sugestije.

Roditelj/staratelj ima obavezu da:

- potpiše ugovor o pohađanju obuke za dijete
- dijete dovedete i odvedete na vrijeme prema datom rasporedu
- ukaže trenerima/cama ukoliko dijete ima neke posebne prehrambene ili druge navike
- javi ukoliko dijete nije u mogućnosti doći na zakazani termin
- komunicira sa timom Instituta za sva pitanja i sugestije
- sudjeluje u najmanje uvodnom roditeljskom sastanku
- ispuni uvodni i završni evaluacijski upitnik
- prisustvuje dodjeli certifikata nakon završene obuke

### **Troškovi obuke**

UMiD Kids je besplatan.

Radni materijali, osvježenje, užina i prijevoz i ulaznice za izlete pokriva Institut.

Troškovi prijevoza za dolazak/odlazak na module će biti žiralno isplaćeni na račun roditelja/staratelja.

Institut ne pokriva troškove osiguranja djece ili štetu koje dijete eventualno napravi na opremi ili trećim licima.

### **Kako se prijaviti?**

Da biste prijavili dijete na UMiD Kids potrebno je da unesete sve potrebne informacije na link koji slijedi najkasnije do 9. februara 2020. godine do 23.59h.

LINK: <http://mladi.org/myURL/umidkids>

Povratnu informaciju o tome da li je Vaše dijete primljeno na UMiD Kids dobit ćete najkasnije do 14. februara 2020. godine. Roditeljski sastanak za djecu koja će pohađati UMiD Kids je planiran za 18. februara 2020. godine u poslijepodnevnim satima.

Sve dodatne informacije o UMiD Kids možete dobiti na mejl [mirela.ajanovic@kultbih.org](mailto:mirela.ajanovic@kultbih.org) ili broj telefona 033 778 763.